



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

*Komunikadu Imprensa
Tribunál Distritál Dili
10 Novembru 2015*

Tribunál Distritál Dili kondena pena prizaun tinan 20 ba krime omisídiu agravadu no okultasaun kadaver ho natureza violénsia doméstika

Iha 28 Outubru 2015, Tribunál Distritál Dili konklui julgamentu ba kazu krime omisídiu agravadu no kondena arguida FdJ no arguidu FdS ho pena prizaun tinan 20 ba kada arguida no arguidu.

Tribunál prova katak arguida no arguidu futu lia hamutuk atu oho mate arguida FdJ nia laen. Arguidu baku mate lezadu iha arguida nia oin no sira hamutuk hakoi subar mate isin iha uma kotuk. Kazu ne'e akontese iha 19 Fevereru 2015, iha Tibar, Distritu Liquisa.

“JSMP hanoin katak desizaun nu'udar lisaun ba comunidade enjerál, hodi evita la uza violénsia hasoru ema seluk, liu-liu hasai ema seluk nia vida, iha kualkér razaun, tanba Konstituisaun Timor-Leste garantia sidadaun hotu nia vida la nein ema ida iha direitu atu halokan ema seluk nia vida,” dehan Diretór Interinu JSMP, Casimiro dos Santos.

Iha julgamentu arguidu deklara katak, nia oho lezadu tanba arguida mak haruka nia atu prátika krime ne'e. Tuir Kodigu Penal defini katak ema ne'ebe 'diretamente no dolozamente' instiga ema seluk atu komete krime sei hetan kastigu ba krime refere.

Maske nune'e, arguida rezeita kona-ba faktus katak nia mak konvense arguidu uza besi kanu hodi baku mate lezadu. Maibe, arguidu maka hakarak duni atu oho lezadu.

JSMP preukupa ho defensor públiku ne'ebé laduun halo defeza ne'ebé apropiadu ba arguida tanba nunka apresenta evidensia hodi suporta arguida nia deklarasaun kona-ba nia envolvimentu hodi oho lezadu.

JSMP mós lamenta ho tribunál nia desizaun ne'ebé simu tomak faktus hosi Ministériu Públiku seim konsidera no tetu arguida nia deklarasaun hodi rona liu ba arguidu, maske la iha evidensia forte katak arguida maka konvense arguidu hodi komete krime refere.

JSMP rekomenda ba defensoría públiku atu kumpri sira nia obrigasaun hodi badinas halo defeza ba sira nia kliente no asigura katak tenke apresenta evidensia hodi suporta sira nia alegasaun. Iha

Rua setubal, Colmera, Dili Timor Leste

PoBox: 275

Telefone: 3323883 | 77257466

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

situasaun hanesan, JSMP mós hanoin katak importante tebes ba tribunál atu konsidera deit faktus sira ne'ebé mai duni ho evidensia forte.

Ministériu Públiku akuza katak, iha 07 Marsu 2015, arguida ho arguidu futulia hamutuk, baku mate lezadu. Arguidu uza besikanu baku dala 4 ba lezadu nia kanuruk kona iha parte loos no karuuk hodi rezulta lezadu mate iha fatin. Hafoin ida ne'e arguidu ho arguida hamutuk dada lisuk lezadu ba hakoi iha mota laran ne'ebé ho distansia 500 metrus hosi arguida ho lezadu nia uma. Motivu hosi kazu ne'e tanba arguidu ho arguida iha relasaun amante ne'ebé lao ona durante tinan 5 no iha oan nain 1 sem lezadu nia koñesimentu.

Durante semana rua nia laran, arguidu ho arguida subar lezadu nia informasaun ba iha família sira. Kazu ne'e foïn bele deskobre bainhira matebian tama iha lezadu nia aon feto hodi fosai lezadu kondisaun ba lezadu nia família, hodi polísia ba kee lezadu nia isin.

Julgamentu ba kazu ne'e prezide hosi juis koleтиву kompostu hosi Dr. Jose Maria, Francisca Cabral no Dra. Ercilia de Jesus. Entretantu Ministériu Públiku representa hosi Dra. Ivonia Guterres no Dr. Rogerio Viegas. Arguidu no arguida hetan defeza hosi Dr. Estaque Guterres hosi defensória públiku no advogadu privadu Dr. Marinho da Cruz.

Atu hetan informasaun kle'an favor kontaktu direktamente:

Casimiro dos Santos

Diretór Interinu JSMP

Diresaun e-mail: casimiro@jsmp.minihub.org